

HEADLINES

- ۱۔ وزیر اعظم نریندر مودی نے دیوالی گو تہوار بحری جہاز آئی این ایس وکرانت ور مناتا وان مسلح افواج نانہ آپریشن سندور غی کامیابی ور سہرايو۔
- ۲۔ ملک بھر مانہ اج روشنیاں گو تہوار دیوالی روایتی جوش و خروش غے نال منایو گیو۔
- ۳۔ وزیر اعظم نریندر مودی نے عوام تیں اپیل کی کہ تہواراں گا موقعور دیسی مصنوعات خرید غے خود مختاری نانہ فروغ دیں۔
- ۴۔ فوج غا سربراہ جنرل اوپیندر دیودی نے بدلتی سلامتی صورتحال غے پیش نظر فوج غی مکمل تیاریاں ور زور دتو۔
- ۵۔ بھارت نے ویتنام مانہ منعقدہ ایشیائی روونگ مقابلہ مانہ 10 تمغہ حاصل کیا جس مانہ 3 سونا غا تمغہ شامل ہیں۔

PM SINDOOR

وزیر اعظم نریندر مودی نے کہیو ہے کہ ترے دفاعی افواج غے بشکار غیر معمولی ہم آہنگی نے پاکستان نانہ آپریشن سندھور غے دوران ہتھیار سٹن ور مجبور کیو وزیر اعظم نے یہ گل اج گوا تے کاروار غے ساحل ور آئی این ایس وکرانت مانہ بحریہ گا جوانان غے سنگ دیوالی غو جشن مناتا وان کہی جناب مودی نے کہیو ہے آئی این ایس وکرانت آتم نربھر بھارت تے میڈان انڈیا غی عظیم علامت ہے وزیر اعظم نے روشنی کل جے حکومت نے ہر خطرہ نانہ اصلاحات مانہ بدل دیتو ہے جناب مودی نے کہیو ہے ہر اصلاح لچک مانہ تے ہر لچک انقلاب مانہ بدل گئی ہے قابل ذکر ہے جے 7 مئی نانہ بھارتی فوج نے 22 اپریل نانہ جموں کشمیر غا پہلگام مانہ ایک دہشت گردانہ حملہ غا جواب مانہ آپریشن سندھور شروع کیو تے پاکستان مانہ دہشت گردی غا متعدد بنیادی ڈھانچہ نانہ نشانو بناتا وان مربوط حملہ کیا۔

DIWALI

لوہ غو تہوار دیوالی اج ملک بھر مانہ روایتی جوش و خروش غے سنگ منائی جارہی ہے یوہ تہوار جھڑو برائی ور اچھائی غی فتح غی علامت ہے کران مندراں تے دیگر عوامی مقامات نانہ روشن کرغے منایو جے اس موقع ور لوک دولت غی دیوی لکشمی غی پوجا وی کریں صدر جمہوریہ درویدی مرمو نائب صدر سی پی رادھا کرشنن تے ملک غا وزیر اعظم نریندر مودی نے دیوالی غا موقع ور لوکان نانہ مبارک باد پیش کی ہے۔

PM BUYING

وزیر اعظم نریندر مودی نے شہریاں نانہ کیو ہے جے وے تہوار غا موسم مانہ سودیشی مصنوعات خرید غے تے 140 کروڑ بھارتیاں غی محنت غو جشن منان غی اپیل کی ہے جناب مودی نے ملک غا شہریاں اگے اپیل کی ہے جے وے جھڑی چیز تہوار غے ویلے خدیری اس نانہ سماجی میڈیا ور وی پھیلاویں جناب مودی نے کہیو ہے اُن گا اس طرح گا قدم توں دوجہ غی ایک پوسٹ غا جواب مانہ جناب مودی نے بھارت mygovindia لوک وی متاثر وین گا مانہ بنی مصنوعات خریدن غی ضرورت ور زور دتو تے اعلان کیو جے گرو سے کہیو ہے سودیشی ہے۔

RAILWAY DIWALI

ریلوے غا مرکزی وزیر اشونی ویشنو نے اج نوی دہلی مانہ ریلوے بورڈ گا وار روم غو دورو کیو اپنا دورہ غے دوران اُنہاں نے تہوار گا موسم مانہ مسافراں غی آمدرفت غو جائیزو لیو وزیر نے عملہ غی حوصلہ افزائی کی جہڑا دن رات کم کر رہیا ہیں تے اُنہاں نانہ دیوالی غی مبارک باد دتی۔

LG LORD BUDDHA

لیفٹیننٹ گورنر منوج سنہا اج روس غا کالمیکیا تیں ترے روزہ دورہ تیں بعد اج دہلی واپس آیا ہیں وی وفد غی قیادت کر رہیا تھا جہڑی بھگوان بدھ غا مقدس باقیات نانہ روش غا دارلحکومت الیستا تیں واپس بھارت لیا رہیا جت جت یوہ مقدس باقیات نمائش واسطے رکھیو گیو تھو لیفٹیننٹ گورنر نے ایکس ور اپنا پیغام مانہ کہیو کہ بھگوان بدھ غا مقدس باقیات ایک ہفتہ غی نمائش تیں بعد بھارت واپس پُج گیو ہے۔ اُنہاں نے کہیو کہ اس نمائش نے باہمی سمجھ بوجھ نانہ فروغ دین اعتماد تے تعاون نانہ بدھان تے مشترکہ روحانی تجربات غے ذریعے دیرپا تعلقات قائم کرن گا عزم نانہ اُجاگر کیو ہے۔

ARMY CHIEF

فوج غا سربراہ جنرل اوپیندر دیودی نے کہیو کہ بھارتی فوج بدلتاوا حفاظتی للکاراں غو بھر پور مقابلو کرن واسطے پوری طرح تیار ہے اُنہاں نے فوج غا بنیادی نظریہ خدمت سب تیں پہلاں نانہ یاد کرتا واں مرکزی سیکٹر غی اگلی چوکیاں غو دورو کیو تانجے آپریشنل تیاریاں غو جائیزو لیو جاسکے جواناں غو حوصلو بدھایو تے اہم علاقہ مانہ فوج تے سیول تعلقات نانہ مضبوط بنان واسطے کہیو۔ فوج غا سربراہ نے سابق فوجیاں تے مقامی لوکاں تیں وی ملاقات کی اُن غی قربانیاں نانہ سہرايو تے تمام فوجی اہلکاراں تے اُن گا خانداناں نانہ دیوالی غی مبارک باد دتی دورہ غے دوران اُنہاں نے پتھوگڑھ تے قریبی بلند علاقہ مانہ تعینات فوجی دستاں کی تیاریاں غو وی جائیزو لیو۔

GST REAL ESTATE

وزیر اعظم نریندر مودی غے ذریعے اعلان کردی تے پچھلا مہینہ غی 22 تاریخ نانہ شروع کیا گیا جی ایس ٹی بچت اُتسو سماج غا تمام طبقات غا لوکاں نانہ فائدو پُجا رہی وے مارا نامہ نگار غی رپوٹ غے مطابق نوی جی ایس ٹی اصلاحات ملک گا ریل اسٹیٹ شعبہ نانہ مزید مضبوط بناوے غی۔ اگلی نسل غی جی ایس ٹی اصلاحات نے ضروری مواد نانہ مزید سستی بنا غے مجموعی طور ور پروجیکٹ غی لاگت نانہ کٹ کر غے ریل اسٹیٹ شعبہ نانہ بڑو فروغ دتو ہے سیمنٹ ور ٹیکس غی شرح نانہ 28 فی صد توں کٹ کر غے 18 فی صد کردتو گیو ہے اسے طرح ماربل تے گرانائیٹ بلاک ور وی جی ایس غی نانہ 12 فی صد توں کٹ کر غے 5 فی صد کردتو گیو ہے اسے طرح اینٹاں تے ریت غا چوننا غی اٹاں توں متعلق کمکرن آلا پہلاں گا 12 فی صد غے بجائے اُن 5 فی صد غی کٹ شرح نانہ اپنی طرف متوجہ کر رہیا ہیں جس سنگ نکا پیمانہ ور تعمیراتی سرگرمی مزید سستی بوجے گی۔

RDD COMM

دیہی ترقیاتی محکمہ غا کمشنر سیکرٹری محمد اعجاز اسد نے اج راجوری ضلع غا پلنگر بلاک مانہ بلاک ترقیاتی کونسل غا انوا دفتر غی عمارت گو افتتاح کیو اس عمارت مانہ لائبریری تے کمپیوٹر لیب جیسی سہولیات شامل ہیں افتتاح تقریب تین خطاب کرتا واں کمشنر سیکرٹری نے کہیو کہ حکومت دیہی علاقان مانہ انتظامی ڈھانچہ مانہ بہتر بنان واسطے پُر عزم ہے انہاں نے کہیو کہ یاہ نوی عمارت عوامی خدمات غی فراہمی مانہ زیادہ موثر بانن تے عوام واسطے زیادہ آسان ماحول فراہم کرے غی۔ انہاں نے مزید اس طرح کہیو۔

BALUCHISTAN CIVILIANS DISAPPEARED

بلوچستان گا مختلف علاقان کوئٹہ، پنجگور، خاران تے مستونگ مانہ پاکستان فوج غی کاروائیاں غے دوران کم از کم 18 افراد جن مانہ 2 طلبہ وی شامل ہیں مانہ حراست مانہ لے غے نامعلوم مقامات ور منتقل کردتو گیو ہے مقامی ذرائع ابلاغ غی رپوٹ غے مطابق 2 بلوچ طلبہ مانہ جمعہ غی دیر رات مانہ کوئٹہ غا بروری علاقہ مانہ اُن گا گھرتیں گرفتار کیو چشم دیدان غو کہنو ہے کہ فوجی اہلکار بغیر کسی وارنٹ گے اُن غا کمرہ مانہ داخل ہوا تے دونان مانہ گرفتار کرلیو اس تیں ایک روز پہلاں بلوچستان گا مختلف علاقان تیں 8 مزید شہریاں مانہ پاکستان حفاظتی فوج نے جبراً چایو تھو پاکستان انسانی حقوق کمیشن تے دیگر تنظیمان نے لاپتہ ہون غا بدھتا وا واقعات غی مزمت کرتا واں انہاں نے کہیو یوہ قانون تے اخلاقی اصولان غی کھلی خلاف ورزی ہے انسانی حقوق بارے کمیشن غی تازہ رپوٹ مانہ کہیو گیو ہے کہ بلوچستان مانہ جبری گمشدگیاں گو سلسلو جاری ہے جس سنگ عوام غو اعتماد کمزور ہو رہیو ہے۔

ASIAN ROWING

ویتنام غا شہر ہائے فونگ مانہ منعقدہ ایشیائی روونگ چیمپینشپ مانہ بھارت نے شاندار کارکردگی غو مظاہرہ کرتا واں گزشتہ روز 10 تمغہ جیتا جن مانہ 3 سونا غا 5 چاندی غاتے 2 کانسہ غا تمغہ شامل ہیں۔
